



著作：法语录

三三 泰国同伦救济庵观音大士开光

圣身原无住，无住住寂光，

随缘赴机感，妙用遍十方。

观音菩萨，古佛再来，化度有缘，身周沙界，其所设化，法门有三：

一曰普门示现：不论天堂地府，三界六道，遇有可度机缘，靡不赴感，门门可入，处处皆通。

二曰耳根圆通：菩萨修因，从闻思修，入三摩地，动静寂灭，能所双亡，反闻自在，圆通自在，悟知一切声音，皆由自性流出，故能不动寂场，普闻众音，悉入一元，无不知晓，其所度生，乃度自己心内之众生，生佛体同，运心平等。

三曰寻声救苦：普门品云：「若有无量百千万亿众生受诸苦恼，闻是观

81

世音菩萨，一心称名，观音菩萨即时观其音声，皆得解脱」。以大士与此土众生特别有缘，故闻声求救，即得解脱。如是开光一句，又如何道得？偈曰：

过去正法明如来，未来功德山王佛，

三轮教化不思议，甘露一滴尽清凉！

开！

82